

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za privredu, Vlada Zeničko-dobojskog kantona, na 178. sjednici, održanoj dana 28.10.2022. godine, d o n o s i

ZAKLJUČAK

I.

Prima se na znanje Informacija o realizaciji Programa “Obezbjedenje kredita pod povoljnijim uslovima” po Programu utroška budžetskih sredstava u 2021. godini (Subvencije privatnim preduzećima i poduzetnicima) Ministarstva za privredu, koja čini sastavni dio ovog zaključka.

II.

Zaključak stupa na snagu danom donošenja.

Broj: 02-_____ /22
Datum, 28.10.2022. godine
Z e n i c a

PREMIJER

Mirnes Bašić

DOSTAVLJENO:

1x Ministarstvo za privredu,
1x

a/a

**INFORMACIJA
O REALIZACIJI PROGRAMA
“OBEZBJEĐENJE KREDITA POD POVOLJNIJIM USLOVIMA”
PO PROGRAMU UTROŠKA BUDŽETSKIH SREDSTAVA U 2021. GODINI
(subvencije privatnim preduzećima i poduzetnicima)
MINISTARSTVA ZA PRIVREDU**

Zenica, oktobar/listopad 2022. godine

1. UVOD

Budžetom Zeničko-dobojskog kantona za 2021. godinu („Službene novine Zeničko-dobojskog kantona“, broj: 07/21 I 18/21), planirana su finansijska sredstva, ekonomski kod 614500–Subvencije privatnim preduzećima i poduzetnicima u iznosu od **3.150.000,00 KM**.

Alokacija ovih sredstava usvojena je Programom utroška budžetskih sredstava u 2021. godini (Subvencije privatnim preduzećima i poduzetnicima) usvojen Zaključkom Vlade Zeničko-dobojskog kantona, broj: 02-11-10878/21 od 04.08.2021. godine, Zaključkom o izmjenama Zaključka o usvajanju i Programa utroška budžetskih sredstava u 2021. godini (Subvencije privatnim preduzećima i poduzetnicima), broj: 02-11-16114/21 od 03.12.2021. godine, i Zaključkom o izmjenama Programa utroška sredstava u 2021. godini (Subvencije privatnim preduzećima i poduzetnicima), broj: 02-11-17051/21 od 23.12.2021. godine.

Sastavni dio Programa utroška budžetskih sredstava u 2021. godini (Subvencije privatnim preduzećima i poduzetnicima) je i Program “Obezbjedenje kredita pod povoljnijim uslovima”, koji predstavlja novi program podrške privrednim subjektima, gdje su planirana sredstva u iznosu od 300.000,00 KM za subvencioniranje dijela kamate za MSP koja posluju na području Zeničko-dobojskog kantona.

2. IZBOR BANKE I ZAKLJUČENJE UGOVORA

Javni poziv za odabir banke za plasman kreditne linije uz subvencioniranje dijela kamate od strane Ministarstva za privredu za MSP koja posluju na području Zeničko-dobojskog kantona objavljen je dana 13.09.2021. godine na web stranici Kantona, a zatvoren dana 04.10.2021. godine.

Za provođenje procedure po Javnom pozivu za odabir banke, Rješenjem broj: 04-11-12295-2/21 od 06.10.2021. godine, ministar Ministarstva za privredu, imenovao je Komisiju za odabir banke (u daljem tekstu: Komisija) koja je dana 12.10.2021. godine u skladu sa uslovima iz Javnog poziva, u pogledu ispunjavanja formalno-pravnih uslova, provela proceduru otvaranja i pregleda, te ocjene i izbora dostavljenih prijava.

Shodno dostavljenim prijavama i kriterijima utvrđenim u Javnom pozivu, Komisija je sačinila Rang listu za odabir banke za plasman kreditne linije uz subvencioniranje dijela kamate od strane Ministarstva za privredu za MSP koja posluju na području Zeničko-dobojskog kantona za 2021. godinu i to:

Rang lista	Naziv banke	Broj bodova
1.	BBI d.d. Sarajevo	98,75
2.	ASA Banka d.d. Sarajevo	96,75
3.	Sberbank BH d.d. Sarajevo	91,93

Komisija je u skladu sa Javnim pozivom izradila Preliminarni prijedlog izabrane banke za plasman poticajnih kreditnih sredstava, i isti je objavljen na web stranici Zeničko-dobojskog kantona dana 04.11.2021. godine, kako bi podnosioci prijava u cilju zaštite

svojih prava, mogli dostaviti pisani prigovor Ministarstvu, u roku od osam dana od dana objave preliminarnog prijedloga na web stranici.

Rok za dostavljanje prigovora Ministarstvu istekao je dana 12.11.2021. godine i u Ministarstvu nije zaprimljena niti jedan prigovor podnosioca prijave.

U skladu sa članom 4. stav (6) Pravilnika o postupcima u provođenju programa razvoja male privrede za period od 2021. do 2024. godine („Službene novine Zeničko-dobojskog kantona“ broj: 14/21) Komisija je se sačinila Konačni prijedlog izabrane banke za plasman poticajnih kreditnih sredstava kojim je predložila da se izabere BOSNA BANK INTERNATIONAL DD SARAJEVO (BBI), Trg djece Sarajeva bb, 71 000 Sarajevo, prvorangirana banka sa ukupnim brojem bodova 98,75 i isti dostavila ministru Ministarstva za privredu na saglasnost i upućivanje u dalju proceduru. Vlada Zeničko-dobojskog kantona je donijela Odluku o izboru banke za plasman kreditne linije uz subvencioniranje dijela kamate od strane Ministarstva za privredu za MSP koja posluju na području Zeničko-dobojskog kantona za 2021. godinu, broj: 02-11-16113/21 od 03.12.2021. godine. U skladu sa Javnim pozivom i Odlukom Vlade Zeničko-dobojskog kantona sa BBI Bankom je zaključen Ugovor o pružanju usluga plasmana sredstava finansiranja uz subvencioniranje profitne marže privrednim subjektima sa područja Zeničko-dobojskog kantona dana 29.12.2021. godine (Ugovor u prilogu Informacije). Shodno odredbama Javnog poziva i člana 11. Ugovora, BBI Banci je dana 30.12.2021. godine data saglasnost za produženje iskorištavanja sredstava namjenjenih za subvenciju profitne marže do 30.06.2022. godine (Saglasnost u prilogu Informacije). Na osnovu Zahtjeva Bosna Bank International d.d. Sarajevo za produženje roka za produženje iskorištavanja sredstava namjenjenih za subvenciju profitne marže od 27.06.2022. godine, članom 17. Ugovora o pružanju usluga plasmana sredstava finansiranja uz subvencioniranje profitne marže privrednim subjektima sa područja Zeničko-dobojskog kantona broj: 04-11-16113-1/21 i 043-04-31683/21 od 29.12.2021. godine, sa Bosna Bank International d.d. Sarajevo je zakluče Anex I Ugovora kojim je mijenjan član 11. stav (2) Ugovora tako da glasi „Javni poziv će biti otvoren do iskorištavanja sredstava namijenjenih za subvenciju profitne marže.“, odnosno produžen je rok za iskorištavanja sredstava namjenjenih za subvenciju profitne marže do potpunog iskorištenja sredstava (300.000,00 KM) (Anex I Ugovora u prilogu Informacije).

Osnovni elementi ugovora su:

- Ministarstvo je obavezno subvencionirati godišnju profitnu maržu u procentu 2,30% za svaku djelatnost po svakom pojedinačnom finansiranju za privrednog subjekta kome Banka odobri sredstva finansiranja (u daljem tekstu: Korisnik/ci) nakon ispunjenja uslova definisanih Ugovorom.
- Banka je obavezna putem javnog poziva za odabir korisnika subvencioniranih sredstava (u daljem tekstu: Javni poziv) plasirati sredstva finansiranja u ukupnom iznosu do **8.800.000,00 KM** (slovima: osammilionaosamstotinahiljada kovertibilnih maraka).
- Ministarstvo je obezbijedilo novčana sredstva u Budžetu Zeničko-dobojskog kantona za 2021. godinu, u ukupnom iznosu od **300.000,00 KM** (slovima: tristotinehiljada konvertibilnih maraka), sa namjenom subvencioniranja profitne marže Korisnicima, a koja se odnosi na cijeli period trajanja finansiranja.
- Banka će plasirati sredstva do utroška ukupnog iznosa od 300.000,00 KM,

namijenjenog subvencioniranju profitne marže Korisnicima.

- Prenos novčanih sredstava u ukupnom iznosu od 300.000,00 KM za subvenciju profitne marže izvršen je Banci na poseban namjenski depozit na osnovu Odluke o izboru banke koju je donijela Vlada Zeničko-dobojskog kantona. Banka je otvorila poseban namjenski račun za prenos novčanih sredstava. Na sredstva namjenskog depozita Banka ne obračunava prinos niti bilo koje troškove vođenja namjenskog računa. Banka iz sredstava namjenskog depozita vrši isplatu iznosa koji se odnose na subvencioniranje profitne marže Korisnika.
- U slučaju raskida Ugovora o plasmanu sredstava zaključenog od strane Banke sa pojedinačnim Korisnikom, a zbog neurednog izvršavanja obaveza ili nepoštivanja ugovornih odredbi iz zaključenog Ugovora od strane Korisnika, Korisnik gubi pravo na subvenciju profitne marže, od datuma raskida Ugovora, i neće biti u obavezi izvršiti povrat isplaćene subvencije za one kvartalne periode za koje je ispunio uslove za isplatu subvencije.
- Banci pripada glavnica i profitna marža po odobrenim finansiranjima, troškovi obrade finansiranja, naknada za prijevremeni povrat finansiranja, kao i ostali troškovi koje snosi Korisnik.
- Finansiranja Korisnika u smislu predmetnog Ugovora, za koje Ministarstvo prihvata obavezu subvencioniranja protitne marže, koriste za ekonomsku stabilizaciju, održavanje likvidnosti, nabavku osnovnih sredstava, povećanje obima proizvodnje i/ili usluga, te očuvanje postojećih i obezbjeđenje novih radnih mjesta.

3. JAVNI POZIV BBI BANKE

Bosna Bank International d.d. Sarajevo je Javni poziv subjektima male privrede (msp) za podnošenje zahtjeva za odobrenje finansiranja objavila dana 10.01.2022. godine na web stranici BBI Banke i u dnevnim listovima „Oslobođenje” i „Dnevni avaz“, i isti je otvoren do utroška previđenog iznosa za subvencije.

Osnovni elementi Javnog poziva za privredne subjekte su:

1. PRAVO UČEŠĆA - KORISNICI LINIJE FINANSIRANJA

Pravo učešća imaju subjekti male privrede – fizička i pravna lica, koji:

- Trajno obavljaju zakonom dozvoljene djelatnosti radi ostvarivanja dohotka odnosno dobiti na način kako je to propisano Zakonom o poticaju razvoja male privrede (“Službene novine Zeničko-dobojskog kantona “, broj: 07/16,7/20);
- Imaju sjedište na području Zeničko-dobojskog kantona;
- Po osnovu tekuće kreditne zaduženosti su klasifikovani u Stage 1;
- Posluju likvidno i zadovoljavajućeg su boniteta;
- Na osnovu obavještenja Službe za statistiku o razvrstavanju djelatnosti prema Klasifikaciji djelatnosti KD BiH 2010 (“Službeni glasnik BiH”, broj 47/10) imaju registrovanu i aktivno obavljaju osnovnu djelatnost unutar sljedećih područja djelatnosti, i to:
 - **C** Prerađivačka industrija (osim oblasti 12 - Proizvodnja duhanskih proizvoda i oblasti 19 - Proizvodnja koksa i rafiniranih naftnih proizvoda);
 - **I** Djelatnosti pružanja smještaja te pripreme i usluživanja hrane (hotelijerstvo i ugostiteljstvo);
 - **J** Informacije i komunikacije - šifre djelatnosti 62.01, 62.02, 62.03, 62.09 i 63.11;

- N Administrativne i pomoćne uslužne djelatnosti - šifre djelatnosti 79.11, 79.12 i 79.90;
- S Ostale uslužne djelatnosti (osim oblasti 94 - Djelatnosti članskih organizacija).

Sredstva Budžeta Zeničko-dobojskog kantona za 2021. godinu namijenjena korisnicima se ne mogu koristiti kao poticajna za sljedeće djelatnosti: proizvodnja oružja i vojne opreme, proizvodnja duhanskih proizvoda i alkoholnih pića, primarnu poljoprivredu - izuzev prerađivačke djelatnosti, otvaranje kasina i objekata za igre na sreću i zabavnih igara.

Sredstvima Budžeta Zeničko-dobojskog kantona ne mogu se finansirati državne institucije, javna preduzeća, neprofitne fondacije, udruženja i organizacije, kao ni sve vrste finansijskih institucija uključujući i druge banke.

Pravo učešća za korištenje sredstava finansiranja Banke i sredstava subvencionirane profitne marže Ministarstva, nemaju privredni subjekti koji u momentu podnošenja zahtjeva za finansiranje nisu izmirili obaveze po osnovu indirektnih poreza, direktnih poreza i obaveza po osnovu doprinosa za penziono-invalidsko i zdravstveno osiguranje, kao i pravna lica nad kojima je u momentu podnošenja zahtjeva za kredit pokrenut stečajni postupak ili likvidacija.

Pravo na dodjelu poticajnih sredstava finansiranja uz subvencioniranje profitne marže ne mogu ostvariti subjekti male privrede kojima je, za istu investiciju i iste prihvatljive troškove (ukupno ili djelomično) odobrena subvencija po osnovu javnih poziva Ministarstva za privredu objavljenih u 2021. godini.

Pravo na dodjelu poticajnih sredstava finansiranja uz subvencioniranje profitne marže ne mogu ostvariti subjekti male privrede koji nisu opravdali dobijena poticajna sredstva Ministarstva za privredu iz 2019. i 2020. godine.

2. NAMJENA SREDSTAVA

Poticajna kreditna sredstva (sredstva finansiranja) namijenjena su subjektima za obezbjeđenje tekuće likvidnosti, produktivnije poslovanje i rast privrednih aktivnosti, nabavku osnovnih sredstava i investicije (dugoročna finansiranja) i finansiranja za trajna obrtna sredstva. Korisnik sredstava je obavezan da poticajna kreditna sredstva koristi za navedenu namjenu, a u suprotnom Korisnik sredstava je obavezan da izvrši povrat ukupnog iznosa odobrenih sredstava za subvenciju kamate u ovoj kreditnoj liniji.

Subjekti male privrede, Korisnici, imaju obavezu da minimalno 20% iznosa odobrenih kreditnih sredstava plasiraju za kupovinu mašina, opreme, tehnologije, rezervnih dijelova, a maksimalno 80% iznosa kreditnih sredstava za održavanje likvidnosti, dugoročno finansiranje obrtnih sredstava koja se konstantno upotrebljavaju u poslovnom ciklusu i/ili za dugoročno finansiranje obrtnih sredstava potrebnih u proizvodnji i/ili za dugoročno poboljšanje ostalih poslovnih aktivnosti.

Korisnik sredstava je obavezan da očuva postojeći broj zaposlenih na dan podnošenja zahtjeva za kredit (finansiranje).

Izuzetak od zadržavanja istog broja radnika kod svih finansiranja je moguć ukoliko radniku prestane radni odnos/ugovor o radu uslijed smrti radnika, zbog odlaska u penziju, na zahtjev radnika, te ukoliko dođe do prekida radnog odnosa radnika uslijed težih povreda radne obaveze, dužnosti discipline, za šta je Korisnik dužan dostaviti relevantne dokaze Banci.

Korisnik sredstava je obavezan da obezbijedi nova zapošljavanja koja je naveo u zahtjevu za kredit (finansiranje).

Za realizaciju ovog Ugovora BBI će obezbijediti sredstva u iznosu do 8.800.000,00 KM (slovima: osam miliona osam stot hiljada KM), a za subvenciju kamatne stope (profitne stope) Ministarstvo je obezbijedilo iznos od 300.000,00 KM (slovima: tristot hiljada KM).

3. KRITERIJI ZA UTVRĐIVANJE ODABIR KORISNIKA LINIJE FINANSIRANJA

Osnovni kriteriji za odabir korisnika linije finansiranja su:

- Vrsta djelatnosti (proizvodna, uslužna i proizvodno-uslužna);
- Namjena utroška sredstava;
- Broj uposlenih;
- Povećanje broja zaposlenih;
- Proizvodi i usluge kojima se ostvaruje veća dodatna vrijednost;
- Izvori-način finansiranja projekata;
- Orijentisanost ka izvozu;
- Formalno-pravno uredna dokumenta za obezbjeđenje kredita;
- Kvalifikovanost privrednog subjekta od strane Ministarstva.

4. INFORMACIJE O ROČNOSTI, IZNOSIMA I VISINI SUBVENCije

- Odobreni kredit (finansiranje) po jednom Korisniku sredstava ograničava se iznosom do 500.000,00 KM, sa maksimalnim rokom otplate u zavisnosti od vrste i visine zahtjeva do 60 mjeseci, a koji uključuje ugovoreni grace period;
- Maksimalno grace period do 12 mjeseci, u zavisnosti od zahtjeva korisnika;
- Visina godišnje profitne marže (kamatne stope koja će se subvencionirati iznosi 2,3 % (0 nakon subvencije);
- Naknada za obradu zahtjeva iznosi 0,25 %;
- Posebni uslovi za isplatu subvencije su: uredno izmirivanje svih obaveza za poreze i doprinose i dospjelih obaveza po finansiranjima koje je u nadležnosti Banke i zadržavanje broja zaposlenih /odnosno nova zapošljavanja ako je to navedeno u Zahtjevu;
- Subvencije se obračunavaju i isplaćuju kvartalno, na bazi prethodno urađenog monitoringa.

Tekst objavljenog Javnog poziva u prilogu Informacije.

Javni poziv je otvoren do utroška previđenog iznosa za subvencije (300.000,00 KM).

4. **REALIZACIJA JAVNOG POZIVA BBI BANKE**

U cilju informisanja Vlade Zeničko-dobojskog kantona o realizaciji Programa "Obezbjeđenje kredita pod povoljnijim uslovima" po Programu utroška budžetskih sredstava u 2021. godini (Subvencije privatnim preduzećima i poduzetnicima), na zahtjev Ministarstva za privredu, Bosna Bank International d.d. Sarajevo je sačinila Izvještaj o realizaciji na dan 13.09.2022. godine. Cjelokupan Izvještaj o realizaciji kreditne linije je u prilogu Informacije.

Prema zaključenom Ugovoru Banka je obavezna putem javnog poziva za odabir korisnika subvencioniranih sredstava (u daljem tekstu: Javni poziv) plasirati sredstva finansiranja u ukupnom iznosu do **8.800.000,00 KM** (slovima: osam miliona osam stotina hiljada kovertibilnih maraka), a Ministarstvo je obezbijedilo novčana sredstva u Budžetu Zeničko-dobojskog kantona za 2021. godinu, u ukupnom iznosu od **300.000,00 KM** (slovima: tristotine hiljada kovertibilnih maraka), sa namjenom subvencioniranja profitne marže Korisnicima, a koja se odnosi na cijeli period trajanja finansiranja.

Prema dostavljenom Izvještaju do 13.09.2022. godine realizovano je:

1. Odobreno finansiranje za klijenta/privredna subjekta 22
2. Po zaključenim ugovorima iznos finansiranja/odobrenih kredita
5.280.000,00 KM
3. Iznos puštenih sredstava
5.210.000,00 KM
4. Iznos obračunate i projektovane subvencije kamate po odobrenim finansiranjima
175.616,86 KM.

Za sva finansiranja obavezan je monitoring od strane Banke na kvartalnom nivou. Monitoring se provodi do kraja narednog kvartala za prethodni kvartal. Ukoliko Korisnik finansiranja uredno izmiruje dospjele obaveze po finansiranju i ispuni sve posebne uslove za ostvarivanje prava na subvenciju definisane Ugovorom, te prilikom kvartalnog monitoringa dostavi Banci potrebne dokaze o ispunjavanju uslova za subvenciju, Banka Korisniku, po izvršenom kvartalnom monitoringu, iz unaprijed uplaćenih sredstava subvencije sa depozitnog računa vrši isplatu subvencije. Subvencija se isplaćuje samo za one periode za koje se utvrdi ispunjenje uslova.

Do 13.09.2022. godine isplaćena je subvencija u iznosu od **1.678,40 KM.**

MINISTAR

Zlatko Jelić